

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-23-\_\_\_\_\_/18  
Bihać, \_\_\_\_\_ 2018.godine

Na osnovu člana 52. stav 1. tačka b) Statuta Grada Bihaća ( “Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća ( “Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

**O d r e đ u j e**

Izvjestioca: Jasmin Stambolija, dipl. pol. na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti,  
vode i zaštitu okoliša

Broj: \_\_\_\_\_/18  
Bihać, \_\_\_\_\_2018.godine

**GRADSKO VIJEĆE BIHAĆ**  
- o v d j e -

**PREDMET:** Prijedlog Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti, dostavlja se

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15), a u vezi sa članom 140. Poslovnika o radu Gradskog vijeća Grada Bihaća („Službeni glasnik Grada Bihaća “ br.3/16), u prilogu vam dostavljam Prijedlog Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti.

**O b r a z l o ž e n j e**

*Pravni osnov za donošenje:*

Pravni osnov za donošenje Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti-prečišćeni tekst, sadržan je u:

- članu 2. Zakona o javnim preduzećima („Službene novine Federacije BiH“ br. 8/05, 81/08, 22/09 i 109/12), kojim je propisano da djelatnosti od javnog društvenog interesa utvrđuju općina, kanton i Federacija BiH, svako u okviru svojih nadležnosti,

- članu 17. Zakona o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12), kojim je propisano da se povjeravanje obavljanja komunalnih djelatnosti i davanje na upravljanje i održavanje komunalnih objekata i uređaja javnom komunalnom preduzeću reguliše odlukom o osnivanju,

- članu 35. Statuta Grada Bihaća ("Službeni glasnik Grada Bihaća" broj: 13/15) kojim je propisano da Gradsko vijeće donosi pojedinačne i druge akte iz samoupravnog djelokruga u skladu sa zakonima i ovim Statutom.

*Razlozi donošenja:*

Donošenju Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti-prečišćeni tekst, pristupilo se radi sljedećih razloga:

Članom 2. važeće Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti-prečišćeni tekst ("Sl.glasnik Grada Bihaća", broj: 7/15), propisano je da Osnivač povjerava JP "Vodovod" d.o.o. Bihać obavljanje komunalnih djelatnosti snabdijevanja pitkom vodom i odvodnje i prečišćavanja otpadnih voda, odnosno komunalne djelatnosti individualne komunalne potrošnje čiji se proizvodi i usluge mogu izmjeriti ili na drugi način definirati, utvrditi i naplatiti od svakog korisnika usluga.

Kada je u pitanju obavljanje komunalnih djelatnosti zajedničke komunalne potrošnje, koje u smislu Zakona o komunalnim djelatnostima USK-a ("Službeni glasnik USK" broj: 4/11, 11/11, 6/12 i 13/12), predstavljaju komunalne djelatnosti čije proizvode i usluge nije moguće izmjeriti ili na drugi način definirati, utvrditi i naplatiti od svakog korisnika usluga, članom 17. Zakona propisano je da se povjeravanje obavljanja komunalnih djelatnosti reguliše odlukom o osnivanju.

JU "Zavod za prostorno uređenje" Bihać, u čijoj nadležnosti je realizacija Programa obavljanja komunalnih djelatnosti zajedničke komunalne potrošnje, u proteklom periodu je inicirala stvaranje pretpostavki kroz izmjene gradskih propisa, a kojim bi se konačno definirale komunalne djelatnosti zajedničke komunalne potrošnje čije se obavljanje direktno povjerava JP "Vodovod" d.o.o. Bihać, odnosno JKP "Komrad" d.o.o. Bihać.

Kako je članom 12. Odluke o usklađivanju Odluke o osnivanju JP "Vodovod i kanalizacija" d.o.o. Bihać propisano da je djelatnost javnog preduzeća, između ostalog, sakupljanje, pročišćavanje i snabdijevanje vodom, te uklanjanje otpadnih voda, te da je preduzeće registrovano za obavljanje tih djelatnosti, istom se mogu povjeriti komunalne djelatnosti zajedničke komunalne potrošnje: odvođenja atmosferskih i drugih voda sa javnih površina separatnim i mješovitim kanalizacijskim sistemom, nabavke i zamjene oštećenih, uništenih ili otuđenih dijelova objekata i uređaja, te održavanje objekata i uređaja javne urbane opreme u smislu održavanja i uređivanja javnih česmi i fontana.

Radi navedenog, bilo je neophodno pristupiti usklađivanju osnivačkog akta sa navedenim Zakonom u dijelu povjeravanja navedenih komunalnih djelatnosti zajedničke komunalne potrošnje, iz kog razloga predlažem Gradskom vijeću Bihać usvajanje prijedloga Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti, kao u predloženom tekstu.

*Potrebna finansijska sredstva*

Za provođenje ove Odluke finansijska sredstva su obezbjeđena u Budžetu Grada Bihaća, kroz Program obavljanja komunalnih djelatnosti zajedničke komunalne potrošnje kojeg realizira JU „Zavod za prostorno uređenje“ Bihać.

Prilog:

1. Prijedlog Odluke o dopuni Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti
2. Odluka o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti-prečišćeni tekst (“Službeni glasnik Grada Bihaća” broj:7/15)

Obradivač:

Elvira Hadžić, dipl. prav.

Gradonačelnik  
Šuhret Fazlić

Na osnovu člana 2. Zakona o javnim preduzećima („Službene novine Federacije BiH“ br. 8/05, 81/08, 22/09 i 109/12), a u vezi sa članom 17. Zakona o komunalnim djelatnostima („Službeni glasnik USK“, br. 4/11, 11/11, 6/12 i 13/12) i člana 35. tačka cc) Statuta Grada Bihaća („Službeni glasnik Grada Bihaća“ broj:13/15), Gradsko vijeće Bihać na \_\_\_\_\_ sjednici održanoj dana \_\_\_\_\_2018. godine, d o n o s i

#### Odluku o dopuni

Odluke o usklađivanju Odluke o osnivanju JP „Vodovod i kanalizacija“ d.o.o. Bihać sa zakonom i dopuni djelatnosti

#### Član 1.

U Odluci o usklađivanju Odluke o osnivanju Javnog preduzeća „Vodovod i kanalizacija“ d.o.o. Bihać sa zakonom i dopuni djelatnosti-prečišćeni tekst („Službeni glasnik Grada Bihaća“, broj: 7/15), u članu 2. dodaje se novi stav (4), koji glasi :

“(4) Javnom preduzeću „Vodovod“ d.o.o. Bihać Osnivač povjerava obavljanje komunalnih djelatnosti zajedničke komunalne potrošnje i to :

- a) odvodnju atmosferskih i drugih voda sa javnih površina separatnim i mješovitim kanalizacijskim sistemom, te nabavku i zamjenu oštećenih, uništenih ili otuđenih dijelova objekata i uređaja,
- b) održavanje objekata i uređaja javne urbane opreme.”

#### Član 2.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV-\_\_\_\_\_

Bihać, \_\_\_\_\_2018. godine

Predsjedavajući Gradskog vijeća

Davor Župa